



På veg mot ein ny Bjørnefjorden kommune?

Saman for vekst og utvikling!



Informasjon om kommunereforma



Kva skjer no?

Forhandlingsutvala for kommunereforma i Fusa og Os har lagt fram ein intensjonsavtale – altså ein avtale om at vi ønskjer å slå oss saman. Den nye kommunen har fått arbeidsnamnet Bjørnefjorden kommune.

No vil vi vite kva DU meiner om avtalen og ei mogleg kommunesamanslåing.

Kommunestyra gjer sine endelege vedtak 22. juni, før Fylkesmannen i Hordaland legg fram kva han meiner bør vere framtidig kommunestruktur. Basert på dette, legg regjeringa så fram forslag til handsaming i Stortinget våren 2017.

Den nye kommunen vil i så fall gjelde frå 1. januar 2020.

Kva meiner du?

Vi vil invitere til folkemøte i begge kommunane, og gjennomføre ei meningsmåling i starten av juni. Sjå baksida for datoar.

Korleis vil det vere å bu i ein samanslått kommune?

Innbyggjartal

Fusa **3.876** | Os **19.742**

Nye Bjørnefjorden kommune

23.618

Kommuneøkonomi

- Den nye kommunen vil få 45 millionar kroner i eingongsstøtte og reformstøtte.
- I tillegg vil vi ved ei samanslåing behalde dagens basistilskot (om lag 13 millionar kroner for kvar kommune) i 15 år + 5 år med nedtrapping, pluss få del i eit nytt regionsentertilskot.
- Dersom Os og Fusa blir slått saman etter reformperioden (1. januar 2018), tvunge eller frivillig, vil den nye kommunen ikkje motta denne økonomiske støtta.
- Skattar og avgifter i den nye kommunen skal harmonerast. Det er eit mål at vi ikkje skal ha eigedomsskatt.

Samferdsel og transport

- Osøyro vert kommunesenter i den nye kommunen. Eikelandsosen vert kommunedelsenter.
- Ein ny Bjørnefjorden kommune vil vere avhengig av gode ferje- og bussamband. Vi vil samarbeide med Hordaland fylkeskommune v/Skyss for å betre kollektivtilbodet i den nye kommunen.
- Bru over Bjørnefjorden vil ikkje ha særleg effekt for Fusa utan at det vert gjort alvor av intensjonen om påkopling til E39 med bruløysing mot Fusa. Best effekt vil vi få om dette blir ei samankopling med E134, Hordalandsdiagonalen Odda - Bergen.
- Det vil vere ein ambisjon å ruste opp fylkesveg 552 Eikelandsosen - Osøyro med gul midtstripe.

Helse og omsorg

- Tenestene skal plasserast med godt tilgjenge for innbyggjarane. Tenester som til dømes helsestasjon og fastlegar skal oppretthaldast i Eikelandsosen og Osøyro.
- Kommunesamanslåinga skal i seg sjølv ikkje føre til endringar i legevakttilbodet i Eikelandsosen og Osøyro.
- Fusa bu- og behandlingssenter og Luranetunet omsorgssenter skal halde fram som basar for omsorgstenestene i Bjørnefjorden kommune.

Oppvekst og kultur

- Kommunesamanslåinga skal ikkje i seg sjølv føre til endringar i barnehage- og skulestruktur.
- Ungdomsskuletilbodet skal oppretthaldast i både Fusa og Os.
- Bjørnefjorden kommune skal medverke til eit breitt kulturtilbod i heile kommunen.

Kommunale arbeidsplassar

- Vi skal ha robuste og heilskaplege fagmiljø i både Eikelandsosen og Osøyro. Ingen kommune-tilsette skal seiast opp som direkte følge av samanslåinga.

Kvifor kommunesamanslåing?

Stortinget har vedtatt å gjennomføre ei kommune-reform. Målet for denne reforma er større, meir berekraftige kommunar med eit likeverdig tenestetilbod til innbyggjarane.

Les meir om prosessen, intensjonsavtalen og anna informasjon på fusa.kommune.no og oskommune.no.

Viktige datoar

FUSA

- Folkemøte tysdag 7. juni kl. 18.00 på Fusa vidaregåande skule
- Meiningsmåling 9. - 12. juni
- Endeleg vedtak i Fusa kommunestyre 22. juni

OS

- Folkemøte onsdag 8. juni kl. 18.00 i Oseana kunst- og kultursenter
- Meiningsmåling 9. - 12. juni
- Endeleg vedtak i Os kommunestyre 22. juni

Du kan lese meir på
fusa.kommune.no og oskommune.no



our.sdoc

FUSA | OS

